

SAKSUTSKRIFT

Arkivsak-dok. 22/00139-10

Saksbehandler Ingunn Kile

Fastsetting av forskrift - utvida bandtvang i Åseral kommune

Saksgang	Møtedato	Saknr
1 HOVUDUTVAL FOR DRIFT OG UTVIKLING	15.06.2022	32/22
2 KOMMUNESTYRE	16.06.2022	27/22

HOVUDUTVAL FOR DRIFT OG UTVIKLING har behandlet saken i møte 15.06.2022 sak 32/22**Møtebehandling**

Kommunedirektøren si innstilling vart samrøystes vedteke.

HOVUDUTVAL FOR DRIFT OG UTVIKLINGs innstilling

I medhald av Lov om behandlingssmåten i forvaltningssaker (forvaltningsloven) §37 og lov om hundelov (hundeloven) fastsett Åseral kommune forskrift om utvida bandtvang, som vedlagt.

Forskrifta vert gjort gjeldande frå 01.07.2022. Dersom det kjem inn fleire høyringssvar etter at saka har vore handsama politisk så vert saka handsama over sumaren.

KOMMUNESTYRE har behandlet saken i møte 16.06.2022 sak 27/22**Møtebehandling**

Kommunedirektøren si innstilling vart samrøystes vedteke.

KOMMUNESTYREs vedtak

I medhald av Lov om behandlingssmåten i forvaltningssaker (forvaltningsloven) §37 og lov om hundelov (hundeloven) fastsett Åseral kommune forskrift om utvida bandtvang, som vedlagt.

Forskrifta vert gjort gjeldande frå 01.07.2022. Dersom det kjem inn fleire høyringssvar etter at saka har vore handsama politisk så vert saka handsama over sumaren.

Fastsetting av forskrift - utvida bandtvang i Åseral kommune

Kommunedirektøren si innstilling:

I medhald av Lov om behandlingssmåten i forvaltningssaker (forvaltningsloven) §37 og lov om hundelov (hundeloven) fastsett Åseral kommune forskrift om utvida bandtvang, som vedlagt.

Forskrifta vert gjort gjeldande frå 01.07.2022. Dersom det kjem inn fleire høyringssvar etter at saka har vore handsama politisk så vert saka handsama over sumaren.

Vedlegg

Vedtak
Svar på høyring utvida bandtvang for hund
Svar på høyring - utvida bandtvang for hund - Åseral kommune
Høring. Båndtvang i Åseral
Høyring - utvida bandtvang i Åseral kommune
Høyring - utvida bandtvang i Åseral kommune
Forskrift om utvida bandtvang, Åseral kommune

Saka kort fortalt

Hovudutval for drift og utvikling vedtok 27.04.2022 å sende forslag om å utvide den ordinære bandtvangen til og med 09. september på høyring. Høyringsfristen vart satt til 17. juni. Dette fordi høyringsfristen skal vere minst seks veker.

For å kunne fastsetje denne forskrifta gjeldande for 2022, må saka handsamast før sumaren.

Dei største interesseorganisasjonane/forvaltningsorgan har allereie sendt inn uttale.

Kommunedirektøren vel å ta saka opp til fastsetting no med førehald om at det ikkje kjem inn fleire høyringssvar etter at høyringsfristen har gått ut.

Bakgrunn

Åseral kommune vedtok 27.04.2022 å sende ut forslag til forskrift om utvida bandtvang for Åseral kommune. Forslaget vart sendt ut 03.05.2022 med uttalefrist 17.06.2022.

Pr. 02.06.2022 er det komen inn uttale frå Norges Jeger -og Fiskerforbund, Vest-Agder, Statsforvalteren i Agder, Agder fuglehundklubb og Bygland kommune.

Bandtvang er regulert i Hundeloven § 6: «i tiden frå og med 01. april til og med 20. august skal en hund bli holdt i bånd eller forsvarlig inngjerdet eller innestengt, slik at ikke den kan jage eller skade storfe, sau, geit, fjærfe, rein, hest eller vilt, herunder viltets egg, reir og bo.»

I same lov § 9 står det lista opp unntak frå sikringsreglane:

Båndtvang fastsatt i eller i medhold av §§ 4, 6 og 7 gjelder ikke for

- a. hund når den brukes i reindrift,
- b. dressert bufehund når den brukes til å vokte storfe, sau eller geit,
- c. hund i aktiv politi-, toll-, militær- og redningstjeneste eller under trening eller prøving for slik tjeneste,
- d. hund i aktiv bruk som ettersøkshund etter såret eller sykt vilt,
- e. særlige bruksformål, avgrensede områder eller nærmere angitte hunderaser eller hundetyper eller for hunder som har særskilt trening, når dette er fastsatt av kommunen ved forskrift eller enkeltvedtak. Ved dette kan kommunen bl.a. legge ut et område som dressurområde for hunder, dersom samtykke som nevnt i § 8 første ledd foreligger,
- f. hund når den brukes for jakt, jakthundtrening og jaktprøver mellom 20. august og 1. april eller når båndtvang er fastsatt i medhold av § 6 annet ledd bokstavene c, d og e.

Hund som nevnt i første ledd bokstav a til d eller i bestemmelse som gjelder særlige bruksformål etter bokstav e, kan på en aktsom måte slippes slik det er naturlig ut fra bruksformålet.

En hund som nyttes som jakthund eller er under trening eller prøve for dette, kan slippes på en aktsom måte slik det er naturlig ut fra bruksformålet, når dette ikke er i strid med viltloven, naturmangfoldloven eller regler om båndtvang. Det samme gjelder for trening og prøving av ettersøkshunder.

Vurdering

Innspel frå høyringsinstansar:

Norges Jeger - og Fiskeforbund skriver at de har forståelse for at det kan være et problem med løse hunder så lenge det er dyr på beite, men synes det er vanskelig å forstå hvorfor det skal innføres båndtvang i hele kommunen da det er mange steder i kommunen der det ikkje er beitedyr.

Kommentar: I utkast til forskrift er det presisert i § 1 at dette gjeld i «dei område der husdyr har rett til å beite eller faktisk beiter». Altså forskriften vil bare gjelde i disse områdene i Åseral. For Åseral sin del vil det gjelde for størstedelen av kommunen og å unnta nokre område vil vere vanskeleg å overhalde.

Statsforvalteren i Agder meiner at bandtvangen i praksis vil gjelde for heile kommunen (utmark og innmark) til og med 9. september då det er vanskeleg å skjønne kva for område det ikkje er beitedyr på. Det som talar i mot utvida bandtvang i heile kommunen er at det er eit inngripande tiltak i forhold til hundar å forlenge bandtvangen i heile kommunen. Hundelova gjev hundeeigar ansvaret for hunden heile året. Det er eit vilkår for å ha hunden laus at den «blir fulgt og kontrollert på en aktsom måte». Dette gjeld om det er innført bandtvang eller ikkje. Slik sett er det synd for alle hundar som vert «fulgt og kontrollert» på ein god måte, at dei ikkje lenger kan sleppe å gå i band da det er andre hundar som ikkje kontrollerast like godt. Med eit slikt utgangspunkt hadde det vore flott om enkelte områder av kommunen kunne hatt ordinære bandtvangsreglar.

Kommentar: Det har vore melding om lause hundar i fleire område i kommunen. Det at hundeeigar har ansvaret for hunden heile året og er ansvarleg for at hunden vert fulgt og kontrollert på ein aktsom måte, burde vere godt kjent blant hundeeigarar. Men samstundes får ein stadig melding om hundar som spring lause, spesielt i hytteområda. Dette gjer at ein no vil gå til det skritt å innføre denne forskrifta. Så får ein ta ei evaluering om nokre år for å sjå om det har lykkast å få lause hundar vekk frå beitande dyr. Forskrifta legg også opp til unntak for visse hundar i §2.

Agder fuglehundklubb mener at å stenge heia for fuglehundtrening etter 20. august er et uforholdsmessig inngrep i en viktig fritidsinteresse for mange mennesker. Hundeloven unntar også

jakthundtrening frå bestemmelsene om ekstraordinær båndtvang og ber kommunen fortsatt se positivt på trening av stående fuglehund frå 20. august.

Kommentar: I utkast til forskrift er dette tatt inn i unntaka i §2 d). – jakthund, når den vert brukt til lovleg jakt, jakthundtrening og jaktprøver mellom 20. august og 1. april, og som blir følgd på forsvarleg måte av eigar eller innehavar.

Bygland kommune har ingen merknadar.

Kommunedirektøren ser det som naudsynt å utvide bandtvangstida fram til 09.september for å unngå at lause hundar spring blant beitedyr. Ein har teke omsyn til visse typar hundar i unntaka i §2. Kommunedirektøren vil påpeke at i utkast til forskrift om utvida bandtvang som vart sendt på høyring stod at denne skulle fastsettast av hovudutval for drift og utvikling, dette rettast slik: Fastsett av kommunestyret i Åseral xx.xx.xxx. Forskriften gjerast gjeldande frå 01.07.2022.

Ingen konsekvensar for økonomi, barn og unge, klima og miljø eller folkehelse

Konklusjon

Kommunedirektøren vil tilrå å fastsette forskrift om utvida bandtvang som vedlagt.

RETT UTSKRIFT
DATO 20.juni.2022